

**BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE**

Vijeće nacionalnih manjina Federacije

Bosne i Hercegovine

Broj: 04/5-02-1671/23

Sarajevo, 6.6.2023. godine

Z A P I S N I K

**15. sjednice Vijeća nacionalnih manjina Federacije Bosne i Hercegovine, održane
6.6.2023. godine**

Sjednica Vijeća nacionalnih manjina Federacije Bosne i Hercegovine je počela u 12:15 sati.

Sjednici su prisustvovali sljedeći članovi: **Hidajeta Redžić, predsjedavajuća Vijeća nacionalnih manjina FBIH, Violeta Džolan, dopredsjedavajuća Vijeća nacionalnih manjina FBIH, Dervo Sejdić, Vladimir Lukačević, Davor Ebner, Bruno Palestra, Nermin Geca, Davorka Drijenčić, Velibor Kuvač, Mišo Čirko i Džemina Zejnullahu.**

Sjednici nisu prisustvovali: **Alaga Suljić, Mehmed Suljić, Elvisa Jusić, Dejan Piotrovski, Emin Fafulić, Admir Biberović, Zehra Obarčanin, Elma Softić-Kaunitz, Edin Sejdić, Emil Bakoš i Irma Muratović.**

Sjednicom je predsjedavala Hidajeta Redžić, predsjedavajuća Vijeća nacionalnih manjina Federacije Bosne i Hercegovine.

Predsjedavajuća je članove Vijeća upozнала sa predloženim dnevnim redom.

Za 15. sjednicu Vijeća nacionalnih manjina Federacije Bosne i Hercegovine predložen je sljedeći:

D N E V N I R E D

- 1. Usvajanje zapisnika sa 14. sjednice Vijeća nacionalnih manjina Federacije BIH,**
- 2. Obilježavanje Međunarodnog dana ljudskih prava – definisanje programa i finansijskog plana,**
- 3. Obnavljanje zahtjeva za usklađivanje visine naknada za rad u Vijeću nacionalnih manjina FBIH sa odredbama Zakona o plaćama i naknadama u organima vlasti FBIH („Službene novine Federacije BiH“, br. 45/2010, 111/2012, 20/2017 i 22/2019 - odluka Ustavnog Suda),**
- 4. Imenovanje predstavnika Vijeća nacionalnih manjina Federacije BIH u radna tijela Parlamenta FBIH,**
- 5. Planiranje sastanka sa premijerom Federacije BIH,**
- 6. Tekuća pitanja.**

Članovi Vijeća su jednoglasno usvojili predloženi dnevni red.

1. Usvajanje zapisnika sa 14. sjednice Vijeća nacionalnih manjina Federacije BiH

Zapisnik sa 14. sjednice Vijeća nacionalnih manjina Federacije BiH jednoglasno je usvojen, bez primjedbi i sugestija.

2. Obilježavanje Međunarodnog dana ljudskih prava – definisanje programa i finansijskog plana

Predsjedavajuća je podsjetila članove Vijeća da je budžetom Federacije BiH, za potrebe finansiranja Vijeća nacionalnih manjina Federacije BiH, predviđen iznos u visini od 80.000 KM. Vijeću je kroz dosadašnju praksu onemogućeno raspolaganje sa kompletnim iznosom dodjeljenih budžetskih sredstava, te je predsjedavajuća istakla da je neophodno da se ustaljena praksa prekine. Predsjedavajuća smatra da Administrativne komisije domova Parlamenta Federacije BiH imaju obavezu omogućiti Vijeću raspolaganje kompletnim iznosom dodjeljenih sredstava iz budžeta.

U cilju realizacije navedenog, predložila je da se Administrativnim komisijama Parlamenta Federacije BiH uputi zahtjev za odobrenje sredstava potrebnih za finansiranje manifestacije koju bi Vijeće organiziralo povodom obilježavanja Međunarodnog dana ljudskih prava, 10. decembra 2023. godine.

Prije upućivanja zahtjeva, predsjedavajuća je istakla da je neophodno da Vijeće detaljno definira program i finansijski plan manifestacije. Također, izjavila je da Administrativne komisije domova Parlamenta Federacije BiH do sada nisu imale u potpunosti korektan odnos prema Vijeću, te u nekim slučajevima uopće nisu odgovarale na zahtjeve upućene od strane Vijeća. Shodno navedenom, potrebno je da se zahtjev za odobrenje novčanih sredstava uputi što prije.

Predsjedavajuća je mišljenja da bi se manifestacije trebale održati na dvije lokacije, Sarajevo i Tuzla. Organizaciju ovih manifestacija, po njenom mišljenju, trebalo bi povjeriti udruženjima nacionalnih manjina sa sjedištima u Sarajevu i Tuzli.

Član Vijeća, gospodin Dervo Sejdić, smatra da bi mjesto održavanja navedene manifestacije trebalo biti Sarajevo, kao glavni grad i centar političkog i kulturnog zbivanja u Bosni i Hercegovini. Ponudio je članovima Vijeća da udruženje „KALI SARA“, čiji je on predstavnik, pripremi i izradi program i finansijski plan ove manifestacije. Također, smatra da bi pozivnice za ovaj događaj trebalo uputiti istaknutim zvaničnicama Bosne i Hercegovine, uključujući i predstavnike svih ambasada zemalja nacionalnih manjina u Bosni i Hercegovini.

Nakon provedene rasprave, članovi Vijeća su jednoglasno podržali prijedlog kojim je predviđeno da se priprema programa i finansijskog plana manifestacije povodom obilježavanja Međunarodnog dana ljudskih prava povjeri udruženju „KALI SARA“, kojeg predstavlja član Vijeća, Dervo Sejdić.

3. Obnavljanje zahtjeva za usklađivanje visine naknada za rad u Vijeću nacionalnih manjina FBIH sa odredbama Zakona o plaćama i naknadama u organima vlasti FBIH („Službene novine Federacije BiH“, br. 45/2010, 111/2012, 20/2017 i 22/2019 - odluka Ustavnog Suda),

Povodom ove tačke dnevnog reda predsjedavajuća je naglasila kako je neophodno da se iznos naknade za rad u Vijeću nacionalnih manjina Federacije BiH dovede u predviđeni zakonski okvir, odnosno da se visina iste utvrđuje na način da se koeficijent (1) pomnoži sa osnovicom koju utvrđuje Vlada Federacije BiH. Ona smatra da Vijeće nacionalnih manjina Federacije BiH mora insistirati da se trenutni iznos naknade poveća na iznos u visini od cca 315 KM, što je prihvatljivo za utvrđeni budžet Vijeća.

Podsjetila je članove Vijeća da je prema Administrativnim komisijama Parlamenta Federacije BiH ranije upućen zahtjev za povećanje navedene naknade, te da iste nisu dostavile svoj odgovor.

Hanka Omanović, sekretar Vijeća nacionalnih manjina Federacije BiH, obavijestila je članove Vijeća da Administrativne komisije domova Parlamenta Federacije BiH nisu održale sjednice u periodu nakon dostavljanja prethodnog zahtjeva kojim se tražilo povećanje naknade.

Članovi Vijeća su nakon rasprave jednoglasno usvojili zaključak da će slanje novog zahtjeva za povećanje naknade za rad u Vijeću nacionalnih manjina Federacije BiH odložiti do naredne sjednice Administrativnih komisija Parlamenta Federacije BiH.

4. Imenovanje predstavnika Vijeća nacionalnih manjina Federacije BiH u radna tijela Parlamenta FBIH

Predsjedavajuća je podsjetila članove da Vijeće nacionalnih manjina Federacije BiH treba imenovati svoje predstavnike u Komisijama za ljudska prava Predstavničkog doma i Dom naroda Parlamenta Federacije BiH, kao i Ustavnim komisijama Predstavničkog doma i Dom naroda Parlamenta Federacije BiH.

Predsjedavajuća je predložila da se za predstavnicu Vijeća nacionalnih manjina Federacije BiH, u Komisiji za ljudska prava Predstavničkog doma Parlamenta Federacije BiH imenuje Davorka Drijenčić, a za predstavnika Vijeća nacionalnih manjina Federacije BiH, u Komisiji za ljudska prava Doma naroda Parlamenta Federacije BiH imenuje Vladimir Lukačević.

Članovi vijeća su jednoglasno usvojili prijedlog predsjedavajuće.

Članovi Vijeća su nakon provedene rasprave odlučili imenovati Dervu Sejdića, kao predstavnika Vijeća nacionalnih manjina Federacije BiH u Ustavnoj komisiju Predstavničkog doma Parlamenta Federacije BiH.

Za predstavnika Vijeća nacionalnih manjina Federacije BiH u Ustavnoj komisiji Doma naroda Parlamenta Federacije BiH članovi Vijeća su imenovali Brunu Palestru.

5. Planiranje sastanka sa premijerom Federacije BiH

Predsjedavajuća je istakla kako je potrebno organizirati sastanak sa premijerom Federacije BiH, na kojem bi se razmatralo pitanje realizacije člana 6. Zakona o zaštiti prava pripadnika nacionalnih manjina u Federaciji BiH, kao i obavijestiti premijera da Federacija BiH nikada nije osigurala novčana sredstva za aktivnosti udruženja nacionalnih manjina.

Dervo Sejdić je obavijestio članove Vijeća da je nedavno imao sastanak sa premijerom Federacije BiH, na kojem se između ostalog razgovarao i na temu položaja nacionalnih manjina Federacije BiH sa akcentom na romsku populaciju. Istakao je da je tom prilikom premijer Federacije BiH izrazio svoju spremnost, uz ostale članove stranke SDP, da svojim djelovanjem na različitim nivoima vlasti u Federaciji BiH, unaprijede položaj nacionalnim manjinama u Federacije BiH.

Predsjedavajuća smatra da se poziv za prisustvo ovom sastanku treba uputiti predsjedavajućim i potpredsjedavajućima domova Parlamenta Federacije BiH, sekretarima domova Parlamenta Federacije BiH, Komisijama za ljudska prava i Administrativnim komisijama domova Parlamenta Federacije BiH.

Dervo Sejdić je dodao da bi se poziv za prisustvo ovom sastanku trebao uputi predsjednici Federacije BiH i njenim zamjenicima.

Članovi Vijeća su jednoglasno podržali iznesene prijedloge.

7. Tekuća pitanja.

Predsjedavajuća je podsjetila da su pojedini članovi Vijeća podnijeli svoje ostavke na članstvo u Vijeću nacionalnih manjina Federacije BiH, te pravovremeno dostavili imena onih koji će biti njihova zamjena.

Predsjedavajuća je zaključila sjednicu Vijeća u 13:15 sati.

**PREDSJEDAVAJUĆA VIJEĆA NACIONALNIH
PARLAMENTA FEDERACIJE BiH**



Hidajeta Redžić